

大宋高僧傳卷第十五

魏五

左衛天壽寺通慈大師賜紫 賛寧

左衛相國寺諱經論大德鴻紫 智輪

同奉

勑撰

明律篇第四之二

乙 正傳十九人
附見三人

唐餘杭宜豐寺靈一傳一

唐吳郡東虎丘寺齊翰傳二

唐潤州招隱寺朗然傳三

唐越州稱心寺大義傳四

唐常州興寧寺義宣傳五

唐蘇州開元寺辯秀傳六

唐京師安國寺如淨傳七

唐漢州開照寺鑑源傳八

慧觀

唐吳郡雙林寺志鴻傳九

唐京兆安國寺乘如傳十

唐襄州辨覺寺清江傳十一

唐會稽雲門寺靈澈傳十二

唐揚州慧照寺省躬傳十三

唐吳郡包山神皓傳十四

維亮

唐京師安國寺藏用傳十五

唐湖州八聖道寺真乘傳十六

唐杭州靈隱山道標傳十七

唐衡嶽寺曇清傳十八

唐京兆西明寺圓照傳十九

判言

唐餘杭宜豐寺靈一傳

釋靈一姓吳氏廣陵人也神清氣和方寸地虛與大和元精合其純粹年肇九歲僻嫌朽宅決入梵園墮息慈之倫稟出家之制暨乎始冠受其具足學習無倦律儀是能示見談

笑欲明解脫示人文藝以誘世智初不計身中有我我中有身德全道成緣斷形謝以寶應元年冬十月十六日寂滅于杭州龍興寺春秋三十五凡滿十五安居臨終顧謂弟子行荼毗法樹小浮圖焉時左衛兵參軍李紓嘉興縣令李陽左金吾衛兵曹參軍獨孤及

相與悼梁木之既壞慮陵谷之當遷後之人
禮應真之塔婆昧應真之德行故刻石于武
林山東峯之陽也一家富貨殖既而削髮推
千金之產悉讓諸孤昆弟所取者惟納衣錫
杖自爾叩維陽法慎師學相部律造乎微而
臻乎極友善者慧凝明幽靈祐會稽曇一晉

孰五

二

中

陵義宣同門三益作者七人也一咳唾塵境
繼日經行宴坐必擇山椒樹下初舍于會稽
山南懸溜寺接禪者隱空乾靖討論第一義
諦或遊慶雲寺復居餘杭宜豐寺寺鄰生丹
山門對佳境固然獨往暴風偃山正智不動
巨浪沃日浮囊不飄於是著法性論以究真
諦此一之了語也每禪誦之隙輒賦詩歌事
思入無間興含飛動潘阮之遺韻江謝之闋
文必能繼之無愧古人循循善誘門弟子受
教若良田之納膏雨焉一跡不入族姓之門
與天台道士潘志清襄陽朱放南陽張繼安
定皇甫曾范陽張南史吳郡陸迅東海徐巖

景陵陸鴻漸爲塵外之友講德味道朗詠終
日其終篇必博之以文約之以脩量其根之
上下而授之藥焉一居寺高隅初無井泉一
旦呀然而涌噴金沙之溜于庭之左右挹之
弥清駢之無竭蓋精至之感矣詩行于世有
遷其尤者入間氣集焉

唐吳郡東虎丘寺齊翰傳

釋齊翰字等至吳興沈氏之子高祖陳國子
祭酒曾祖隋魏州司馬祖考三世不仕翰綺
歲從父至山寺蹈高靜無塵之躅惻然有宿
命之知固請捨家至天寶八載八月五日奉
制度配名永定寺九載十月躋五分壇納形

孰五

三

中

俱戒移名開元大曆中轉祿武丘皆兩州道
俗所請從命也翰道性淵默外則淡然迹不
近名身不關事長在一室寂如無人豈比夫
駢行鼓蕡之士哉顓門相部義疏精敏罕儔
明法華經王蘇湖戒壇每當請首則今時所
謂壇長也大曆十年入流水念佛道場是夜

西方念中頓現蓋純誠之所致也即以其年
於本院春秋六十八法臘二十六翰遇疾
之日謂門弟子曰有鷲從空飛下迴翔我前
爾曹見乎必謝之期小聖猶病安能免哉受
業門人如隱戒壇宣允等與吳興皎然結法
門昆弟之交俱高潔難可輕慕焉

唐潤州招隱寺朗然傳

釋朗然俗姓魏世襲冠冕其先隨東晉南渡
則爲南徐人也開元中入道受業於丹陽開
元寺齊大師天寶初受具于杭州華嚴寺光
律師後徙靈隱寺依遠律師通四分律鈔重
稟越州曇一律師精研律部講說生徒四遠

塔于山西原纖麻之徒泣血千計高行弟子
清浩擇言等請益弟子御史中丞洪府觀察
使韋儇吏部員外李華潤州刺史韓賁湖州
刺史韋損御史大夫劉暹潤州刺史樊冕皆
歸心奉信屯田員外郎柳識爲碑頌焉

唐越州稱心寺大義傳

卷五

四

中

譽應肅宗至德二年恩命舉移隸名於慈和
寺上元中刺史韋儇又請爲招隱統領大德
即以其年講授之暇著古今決十卷解釋四
分律鈔數十萬言繁雜義例條貫甚明大行
於世觀其先列古人之義有所不安則判斷
之故號決也決中自序初依天竺威律師學

釋大義字元貞俗姓徐氏會稽蕭山人也以
天授二年五月五日特稟神異生而秀朗七
歲父訓之以經典日可誦數千言年十二請
詣山陰靈隱寺求師因習內法開卷必通人
咸歎之屢中宗正位恩制度人都督胡元禮
考試經義格中第一削染配昭玄寺自茲聽

晉旁贍玄儒開元初從吳鄉圓律師受具復依本州開元寺深律師學四分律指訓義因遊長安深公已亡乃樞衣法華寺玄儼律師其俊邁出倫儼云于今傳法非子而誰及稱心本寺超律師請爲寺任開元中喪親誓入天台佛龐轉藏經答劬勞也天寶中遂築北塢之室即支遁沃洲之地也初夢二梵僧曰汝居此與二十日至寶應初復夢日本期二十日今滿矣魔賊將至不宜更處無何海賊來晁竊據邑至于丹丘義因與大禹寺迦律師同詣左谿朗禪師所學止觀而多精達前後朝貴歸心者相國杜鵑漸尚書薛兼訓

唐常州興寧寺義宣傳
塊率不往淨土未可議其生處也
釋義宣者晉陵人也宿殖利根翛然出俗不煩師訓砥礪厥心納法後孜孜律科時無虛度玄儒旁綜長在篇章卒問捷給而稟延陵恭讓之風雅得毗尼之體初揚州法慎傳于舊章淮甸之間推爲碩匠天寶初宣斂衽摶衣諮詢彌久輩流率服慎且歎賞曰可畏乎宣講終南事鈔請業于周律師之庭考覈尤精乃著折中記六卷以解之蓋嫌融濟華勝諸師有所批謬故也使是非各盡其分人免據宗而阿比從此立稱耳毗陵多出名士僧有三宣慧德義是歎時於江都習業與會稽爨一閩川懷一夢雲靈一同門爲朋也晉陵九僧臘六十三殯于寺之北塢舊居因造塔焉義前後戒壇計二十七登受戒弟子三萬餘人終時室中聞天樂聲驗乎生誦法華經大涅槃經小大乘戒本以爲口業德行非歸

也或曰膝齊不敵俱書侯乃曰不嫌同號號

與名豈得例諸通曰號大不嫌名小豈嫌乎

矧以義宣始爲名者安知弟子成事於南山之門邪然出家者必也無妨一則姓既以華從梵咸稱釋氏一則西域無諱此合從旃且

諱者周人以事鬼神夏商無諱明矣況乎聖師已生塊率小爲天人大爲菩薩豈宜以愚神事之致令唐初高德勝士往往止存一字名職由諱之極矣蜀今修撰乃闕文也乃知真諦無諱俗諦聞似則懼或曰今沙門姓既爲釋名復不諱言我不隨俗諦云何對

君主稱臣莫西城有否通曰姓名不對王者

臣妾表疏合然昔齊帝問王儉遂令對見稱名自漢至唐肅宗朝始見稱臣由此訟而不革良以沙門德薄日就衰微一往無復矣又以法委國王誠難改作王謂爲是措定莫移故佛言雖非我制諸方爲清淨者不得不行也

唐蘇州開元寺辯秀傳

釋辯秀俗姓劉氏漢楚王交三十一代孫也秀幼孤諸父哀字禮如教立孝自天生而宿殖緣深心田欲稔因請伯氏出家長行哀而捨旃事靈隱謀禪師便能問津圖入道之意所聞指訓如涼風入懷醒然清悟天寶四年

受戒於東海鑒真大師傳律於會稽曇一至德中舉高行隸名於吳郡開元寺乾元中下詔天下二十五寺各定大德七人長講戒律秀應其數也頃年於淨土一門不愆于念嘗謂人曰昔聞西方之行是有相大乘此乃蓬心不直非達觀之說何邪夫出言即性發意皆如而一色一香無非中道況我正念乎秀壇蕩一十六番度人孤制律樞正持僧綱自肯湖南北皆宗仰焉以建中元年六月十五日寢疾而終春秋六十七法臘三十五當其逝日有庭樹一本枝葉扶疎朝花正敷而遽萎瘁其年七月五日遷靈龕於武丘西寺松

門之右門人道亮道該清會偕達指擅之香
樹也故觀察使韋元甫李棲筠虢州刺史李
紓御史中丞李道昌盡欽慕往德亦林下之
交書畫爲碑頌焉

唐京師安國寺如淨傳

釋如淨不詳何許人也甫參法位當納戒津

執五

七 中

明練毗尼砥礪名節時恒講勗徒侶雲屯辭
筆偕長博達儒典先是關中行智首律師四
分律疏魏郡法礪律師著疏別行爾時關輔
河北各競宗派微似參辰隋末唐初道宣律
師以首大疏爲本造刪補律鈔三卷稍爲會
要行事追機貞觀已來三輔江淮岷蜀多傳

唱之次奘三藏弟子懷素者先習鈔宗後委
棄宣礪之學於咸亨年中別述開四分律記
後號新章歎至代宗大曆中新章舊疏互相
長短十三年勑集三宗律匠重定二家陸毅
時淨推爲宗主語在圓照傳至建中二年奏
二疏並行淨之力也蓋以國相元公載篤重

素公崇其律教乃命淨爲新疏主作傳焉

唐漢州開照寺鑑源傳

慧範

釋鑑源者不知何許人也素行甄明範圍律
道茲芻表率何莫由斯後講華嚴經號爲勝
集日供千人粥食其倉簞中米粟纔數百斛
取之不竭汾夏涉秋未嘗告匱其冥感如此

其山寺越冬徵應有慧觀禪師見三百餘僧
持蓮燈凌空而去歷歷如流星焉開元中崔
翼公寧疑其妖妄躬自入山宿預禁山四方
面各三十里火光至第三夜有百餘支燈現
兼紅光可千尺餘翼公矍然作禮歎未曾有
時松間出金色手長七尺許有二菩薩黃白
金色閃爍然復庭前柏樹上畫現一燈其明
如日橫布玻瓈山可三里所寶珠一顆圓一
丈熠爚可愛西嶺山門懸大虹橋橋上梵僧
老叟童子間出有二炬爛然空中如相迎送
交過之狀下有四菩薩兩兩偶立放通身光
可高六七十尺復見大松林後忽有寺額篆

書三學字又燈下垂繡帶二條東林之間夜出金山月當于午金銀二色燈列於知鉉師墳側韋南康臯每三月就寺設三百菩薩大齋菩薩現形捧燈僧持香燈引挹之鑪在寺門矣白中令敏中覩瑞興立此寺大中八年改額曰開照源律師道化與地俱靈哉弟子

執五

傳講東川所宗也

唐吳郡雙林寺志鴻傳

釋志鴻俗姓錢氏湖州長城下若人本名儼志鴻字也少出俗于石門鄉寺則梁靜林也削染受具訖往茂苑親道恒師盛集研覈精微時曇清省躬互相切磋卒成洪緒然慊先

八 中

而已今雙林累遭兵革加以水潦碑碣失蹤闕於言行也吁其儼公氏族本生必與南山宣律師相同亦爲美事矣

唐京兆安國寺乘如傳

釋乘如未詳氏族精研律部頗善講宣繩準繙徒罔不循則代宗朝翻經如預其任應左

右街臨壇度人弟子千數先是五衆身士衣資什具悉入宮庫然歷累朝曷由釐革如乃援引諸律出家比丘生隨得利死利歸僧言其來往本無物也比丘貪畜自恣而婚者職由於此今若歸官例同籍沒前世遺事闕人舉揚今屬文明乞循律法斷其輕重大曆二

執五

九

中

德釋南山鈔商略不均充藏無准捕蟬忘後補袞不完囊括大慈靈萼已下四十餘師記鈔之玄勒成二十卷號搜玄錄大曆中華嚴疏主澄觀披尋乃爲序冠于首然其解判不朽如公是乎終西明安國二寺上座有文集無所長其如科節繁碎是其短也春秋一百有八歲勑署爲長壽大師焉近世止行其字

唐襄州辨覺寺清江傳

釋清江會稽人也不詳氏族幼悟幻泡身拘
醫歎因入精舍便戀空門父母沮勸建乎難
拔礼疊一律主爲親教師諷誦經法寓目俱
通長者品量之曰釋門千里駒也於浙陽天
竺戒壇求法與同學清源從守直和尚下爲
弟子還聽習一公相疏并南山律鈔間廣精
義入神舉皆通暢而善篇章儒家筆語體高
辭典又擅一隅之美時少倫儼其褊慄之性
不與人類嘗於一公少因不足亦有捨和尚
之譏由是遊方服勤凡云律筵無不預者自
責已曰天下行半少有如我本師者還會稽
一公猶老當其僧大集時擊木唱某再投和

尚攝受時一公詰罵江雨淚而懺悔曰前念
無知後心有悟望和尚大慈施與歡喜苟不
許收則越人不可以強售章甫也一公憫其
數四求哀乃曰爲汝舍垢遂爲師資如初江
有禪觀之學大曆八年於汝潰遇忠國師因
弟子說自忠曰此律師是和尚鄉人乃欣然
相會尋往南陽再謁國師密傳心要焉
系曰江嘗爲七夕詩或謂之四背中一背也
通曰詩人興詠用意不偷慧休怨別陸機牽
牛星屈原湘夫人豈爲色邪皆當時寓言興
類而已若然者言火則焚口說食則療飢也
矣江之捨師後乃揚師之美反權合道也實
爲此詩警世無常引令入佛智焉其故何也
詳江遇忠國師大明玄理無以域中小乘法
拘之哉

唐會稽雲門寺靈澈傳

釋靈澈不知何許人也稟氣貞良執操無革
而吟詠情性尤見所長居越谿雲門寺成立
卷五

之歲爲文之譽襲遠講貫無倦生徒戾止如
闡闡焉故祕書郎嚴維劉隋州長卿前殿中
侍御史皇甫曾覩面論心皆如膠固分聲唱
和名散四陬澈遊吳興與杼山畫師一見爲
林下之遊互相擊節盡與書上包佶中丞盛
標揅其警句最所重者歸湘南作則有山邊

水邊待月明暫向人間借路行如今還向山
邊去唯有湖水無行路句此僧諸作皆妙獨
此一篇使老僧見欲弃筆硯伏翼中丞高鑒
深量其進諸乎其捨諸乎方今天下有故大
賢勸王輒以非急于請視聽亦昭愚老僧不
達時也然澈公秉心立節不可多得其道行
空慧無慙安遠復著律宗引源二十一卷爲
繩流所歸至於玄言道理應接靡滯風月之
間亦足以助君子之高興也其爲同曹所重
也如此畫又賈詩附澈去見信禮遇非輕又
權德輿聞澈之譽書問畫公迴簡極筆稱之
建中貞元已來江表謠曰越之澈洞冰雲可
謂一代勝士與杭標雪畫分鼎足矣不測其
終

唐揚州慧照寺省躬傳

釋省躬睦州桐廬人也爲童強識耆宿呼語
怪其志大而言高無厭樊籠忽投聖德寺慕
道從師勤恩得度性靈天發於毗尼道學如

熟五

土

中

溫習復擇名師得姑蘇開元道恒師恒曰甚
矣吾得躬也門人日益親及乎探赜精微愈
征愈遠時有擊論互指爲迷者必請見躬爲
其判之坐分曲直諺曰義盡省躬言到躬義
無不盡也其博綜律乘扞禦師門也若此恒
曰自吾有躬也惡言不聞矣躬避席葉拱而
對曰某不佞也仰師之道若采扶桑以啖蠶
蠶所患者未能嘔繁絲以報主耳恒曰視子
吐固客五色絲可供黼繡之資言太謙矣晚
赴維揚之召廣訊徒焉然其滿口雌黃品藻
充牴古今之義生徒明敏者各錄之都加潤
色號順正記十卷行之復著分輕重物儀別
行沿襲十三章門條例外加近世現有物之
重輕頗爲要用躬復高儒學作碑頌越多以
其曾化邪溝故呼淮南記主自号清冷山沙

門焉

唐吳郡包山神皓傳維亮

釋神皓字恒度姓徐氏八代祖擒齊竟陵王

西邵學士子陵梁尚書左僕射其文與庾子山齊名迨陳國亡因佐吳邑遂家姑蘇皓乃爲吳郡人也天性耿潔風韻朗邁幼負脫俗之姿尋依錢塘龍泉道場一公出家天寶六年降版詔精擇真行一州許度三人皓居薦首因隸僧籍于包山福願道場初進具於興

瑋邑天星寶如雨西方光映密現于前春秋七十五僧臘四十三門人維亮有文有道獨步當時執師之喪不以證而廢教也傳法弟子道超靈俊道濬道稜維讓維誠皆一時英邁書畫爲墳塔碑頌美云

唐京師安國寺藏用傳

大師次通律鈔於晏一後士講律鈔五昇壇場遂乘舟歸包山使野叟誅茅山童掃石道遙棲息旋增修屋宇乾元元祀有詔天下二十七寺各奏大德七人長講戒律因請住開元寺欲果其願且懼簡書遂僱僂從命奉戒弟子開州刺史陸向前給事中嚴沈服道弟

子禮部侍郎劉太真前大理評事張象欽風弟子前廉使亞相李棲筠請綱任海隅一邑繩伍三變至于道末年工於圓宗別置西方法社誦法華經九千餘部貞元六年十月開元寺遇疾至十二月顧囑弟子維亮曰我弃世後可歸洞庭故山置塔說法而終是夜瑞

物良深坐鎮雅俗貞元中左司正郎王鎬南臺崔公繼和之如是數公將議標題兵部正郎程浩作都序贊方正郎知制誥吳通微書之四年戊辰歲也用公長於律學急護任持爲上都之表則也

唐湖州八聖道寺真乘傳

魏五

十三

中

釋真乘姓沈氏德清人也厥父玄望孝廉舉調兗州司馬母氏妊乘有神光異氣之祥識者言沈氏必大其閥閱暨誕生也瓊偉長與宗族諸子雜處若羣草中之琪樹焉總非之後司馬以文學喻之令修官業且慨然如有不得已之色居處翫戲則以佛像班布父觀其宿習果請出家屬顏魯公許試經得度時已暗誦五百紙比令口諷一無差跌大見褒異落髮配住八聖道寺得戒後於通玄寺常進師所綜習毗尼進公見其俊邁也誠同門曰乘雖少齡不可以伯仲齒之後西上京師雲華寺學法華天台疏義大著聲望又章信

寺衆僧辟其講發醉千日者一聽而自醒迷終身者整聞而永悟經宗律柄兼講無虧藉甚繙行烜赫京邑貞元十一年功德使梁大夫以德宗亟幸安國寺奏乘移隸以備應對充供奉大德數焉時本師無滯亦以道業實蒙恩渥奏舉乘爲國祈福無滯忽夢乘捧一

白蓮華南去無何乘果疾乞歸田闥勅允既還鄉里本郡守李公鑄田公敦浙東率薛公戒或踵門而勸登法座或馳簡而延薦戒壇乘迫以法緣悉所勉強以是入爲律學座主四爲贍壇正員凡訓授度人或巾屨結緣一無所受遊五臺山礼文殊聖容所見瑞相不可勝言後在護國寺礼佛各經一百周懺法之餘撰法華經解疏記十卷以元和十五年冬十月示疾而終于本寺乘精于律法長於演說以長慶二年十月十三日焚身于韶村西隅遵遺命也萬年縣尉王甄爲碑述德焉

唐杭州靈隱山道標傳

釋道標富陽人也俗姓秦氏其遠祖與羸同姓世爲汧隴大族及晉東渡衣冠隨之後爲杭人也其高曾至王父皆以儒素不甘爲吏故州里尊奉之標生則孤明長而深趣老而堅固蓋良善之因有自來矣年七歲時神清氣茂不雜凡童候有“大沙門手摩其頸曰

孰五

古

中

此孺子目秀如青蓮得非我釋氏之威鳳乎

苟能捨家必有善稱不然乘雲覓薄天漢吾不可得而知也父允其請遂爲靈隱山白雲峯海和尚弟子妙高之上唯日月是麗姿竭之宮固雲雷斯蓄至德二年詔白衣通佛經七百紙者命爲比丘標首中其選即日得度

蒙配天竺寺焉永泰初受具品於靈光寺顚律師登以護戒嚴謹爲時所推毗奈多羅之言罔不該貫凡度人戒計六壇爲衆糾繩經一十二載置田畝歲收萬斛置無盡財與衆共之貞元中以寺務克豐我宜宴息乃擇高爽得西嶺之下葺茅爲堂不干人事用養浩

氣焉標經行之外尤練詩草辭體古健比之潘劉當時吳興有畫會稽有靈澈相與酬唱遙作笙簧故人諺云雪之畫能清秀越之澈洞冰雪杭之標摩雲霄每飛章寓韻竹夕花時彼三上人當四面之敵所以辭林樂府常采其聲詩由是右庶子姑藏李公益書云重

名之下果有斯文西還京師有以誇耀又景德子陸羽云夫日月雲霞爲天標山川草木爲地標推能歸美爲德標居閑趣寂爲道標名實兩全品藻斯當爾後聲價轉於公卿間故與之深者有相國李公吉甫大司空嚴公綬右僕射轉公臯禮部侍郎呂公渭滑毫節

藝五

十五

制盧公群襄陽節制孟公簡同州刺史李公律師登以護戒嚴謹爲時所推毗奈多羅之人白公居易隋州刺史劉公長卿戶部侍郎丘公丹外郎裴樞秘閣嚴維小諫朱放越廉問薛戎夕拜廬元輔常州釋元浩潤州釋南容金華釋乾輔吳門釋光嚴上都釋智崇等

並心交塵外分契林中萬境在空驅之爲射
御五峯滿眼立之爲疆場文雄而再鼓不衰
神王而一戰自勝者也以長慶三年示有微
疾六月七日歸藏于所居蘭若至冬十月三
日葬于舊山春秋八十有四法臘五十八第
子如玢如善行儉省言常檢智識日超等皆
得師之法倣仰不遑空園繞於旃檀恨滿盈
於石室至今杭民謂之西嶺和尚矣開成五
年中鄭素鄉錄德行刊碑頌立于天竺山之
東墟存焉

唐衡巖寺曇清傳

釋曇清未詳何許人也幼持邊幅固或遠方
以謹督映究窮佛旨乃負笈來吳北院道恒
宗師法會與省躬猪臘薛之前後也旋留南
嶽化徒遍會元和中閩州龍興寺結界時義
嵩講素新疏傑出輩流因云僧祇律云齊七
樹相去爾所作羯磨者名善作羯磨準此四
面皆取六十三步等如是自然界約令作法

界上僧須盡集時清遂廣徵難如是往返經
州涉省下兩街新舊章南山三宗共定奪嵩
公衡理時故相令狐楚猶爲禮部外郎判轉
牒據兩街傳律斷曇清義爲正天下聲唱勇
執紀綱清能干城矣後著記靈顯宗焉
系曰清公南山宗崛起別峯人咸景仰與嵩
悟二公遇于必爭之地清眾得雋矧夫闡苑
也僻用律文三闕不反既成圓狀學者流傳
致其嵩公如墮海底至大中中玄暢公荐加
褒貶貶嵩又轉流尾間中矣

唐京師西明寺圓照傳

利言

釋圓照姓張氏京兆藍田人也年方十歲篤

熱五

十六

中

願依丙明寺景雲律師雲亦一方匠手四部
歸心照當應法乃受近圓謹恩執持如瘦寶
器尋究經論訪問師承維摩法華因明唯識
涅槃中觀華嚴新經或深入堂皇或略從染
指仍旁求於儒墨兼擅美於風騷律藏珠珍
專探日用後則霜壇秉法薦序度人洎乎開

元年中勅選名德僧叅其譯務熙始預焉至代宗大曆十三年承詔兩街臨壇大德一十歲成十卷宗依成實論今稱舊疏是也洎高四人齊至安國寺定奪新舊兩疏是非蓋以二宗俱盛兩弊必爭被擒翻利於漁人互擊定傷於師足既頻言競多達帝聰有勅令將二本律疏定行一家者時照等序奏云按四

分律部主梵云曇無德奉言法藏自姚秦洪始五年壬寅歲罽賓三藏佛陀耶舍奏言覺明諷出梵文沙門竺佛念聽而筆受成四十五卷至十一年歲次戊申支法領又從西國將梵本來於長安中寺重讎校殆十四年辛亥譯畢沙門慧辨等筆受成六十二卷後有魏朝道覆律師於法聰講下集成疏六卷北齊慧光律師造疏二本次道雲律師修疏九卷次道暉撰疏七卷隋朝法願教疏十卷自唐平一天下也四方昌阜三寶增明有智首律師述疏二十一卷次慧滿律師造疏二十卷事各一時流通絕矣當武德元年戊寅歲

魏五

十七

中

有相州日光寺法碼律師製疏至九年丙戌宗天皇大帝咸亨元年歲在庚午有西太原寺懷素律師撰開四分律宗記十卷宗依根本一切有部大毗婆沙俱舍等論稱新章疏是也至我皇帝受佛付燭欽尚釋門信重大乘道承密教見兩疏傳授各擅顓門學者如林執見殊異數興諍論聖慈愍念務息其源使水乳無乖一味和合時遣內給事李憲誠宣勅勾當京城諸寺觀功德使鎮軍大將軍劉崇訓宣勅云四分律舊疏新疏宜令臨壇大德如淨等於安國寺律院僉定一本流行

兩街臨壇大德一十四人俱集安國寺遣中官趙鳳誼勅尚食局索一千二百六十人齋食并果實解齋粥一事已上應副即於安國寺供僧慧徹如淨等十四人併一供送充九日齋食用茶二十五拂藤紙筆墨充大德如淨等僉定律疏用兼問諸大德各得好在

否又勅安國寺三綱僧行定律疏院一切僧俗
輒不得入違者錄名奏來云其時天長寺曇
蓬淨住寺崇徽西明寺道邃興祚本寺寶意
神朗智釤超儕崇福寺超證薦福寺如淨青
龍寺惟幹章信寺希照保壽寺慧徹圓照共
奉表謝荅詔云師等道著依經功超自覺承
雪宮之旨與爲火宅之涼颸四分律儀三乘
禪鍊須歸摠會永息多門一國三公誰執其
咎初機眩曜迷復孔多爰命有司俾供資費
所煩筆削竚見裁成所謝知悉其日品官揚
崇一宣勅薦福溫國兩寺三綱與淨土院檢
校僧等嚴飾道場命僧行道用五十四人起
今月一日轉經礼佛六時行道至來年二月
一日散其設齋食料一事已上令所司祇供
宜各精誠問師等好在及解道場中官李憲
誠宣勅語溫國寺轉念道場四分律臨壇大
德等釋門三學以心印相傳無上菩提以戒
法爲根本道場畢日即宜赴大安國寺楷定

律疏十道流行至二月八日勅檢校道場大
德曇遂飛鏐等道場定取十日散設齋外各
賜綃帛其十四人律師並令赴安國寺修疏
程才品用各得其宜衆推如淨慧徹同筆削
潤色圓照筆受正字寶意纂文僧行定超儕筆
受其崇徽已下九人證義共議篇題云勅僧行
定四分律疏卷第一京城臨壇大德某等奉
詔定以此爲題也照爲首唱諸公和之其間
厥義非長若農夫之去草其義合理猶海客
之采珠可謂名解毗尼不看他面俄屬德宗
即位改元建中其年五月疏草畢六月望勅
圓照依國子學大曆新定字樣抄寫進本至
十二月十二日送祠部進新僧行定疏十卷仍
乞新舊兩疏許以並行從學者所好勅宜依
照務其搜集專彼研尋著大唐安國寺利涉
法師傳十卷集景雲先天開元天寶諸制三
德等釋門三學以心印相傳無上菩提以戒
法表集七卷隋傳法高僧信行禪師碑表集

三卷兩寺上座乘如集三卷僧行定律疏一行
制表集三卷般若三藏續古今翻譯圖紀二
卷大乘理趣六波羅密多經音義二卷三教
法王存沒年代本記三卷上卷明佛中道下
儒也翻經大德翰林侍詔光宅寺利言集二
卷再修釋迦佛法王本記一卷佛現八相身

熟五

九

中

利益人天成正覺記一卷判方等道場欲受
近圓沙彌懺悔滅罪辨瑞相記一卷五部律
翻譯年代傳授人記一卷莊嚴寺佛牙寶塔
記三卷無憂王寺佛骨塔記三卷傳法三學
大德碑記集十五卷建中興元貞元制旨釋
門表奏記二卷御題章信寺詩太子百寮奉
和集三卷貞元續開元釋教錄三卷照自序
云伏以開元十八年歲在庚午沙門智昇修
撰釋教錄洎乎甲戌經六十五年中間三藏
翻經藏內並無收管恐年代漏遠人疑僞經
又先聖大曆七年許編入制文猶在時帝勅
宜依至今江表多集此集中經而施用焉熙

於律道頗有功多肅代二朝尤爲傑立累朝
應奉賜紫充臨壇兩街十望大德內供奉檢
校鴻臚少卿食封一百戶後終于別院春秋
八十二法臘五十八云

衆曰刊正二宗會歸一見庶幾知有定分不
橫馳求何以諸師却請雙行不其惑歟通曰

是此舉也則元載所請帝乃曰僕究其始因
乃新章也挾力輪摧相部獨存於我專利於
人亦猶紀昌俄遇飛衛併其箭術成我材官
御大輶而廢其雄輪得火生而焚其木母竊
量諸態微憤不平故奏雙行同不僧行則何
異乎眼頭生目匪成三點之伊必須聲後知
音方驗一夔之足因排法碼三本生焉舊有
南山四家出矣又如東漢季也滅一跋扈生
四強臣初止政出一門未云賂歸四貴若然
者駢拇懸瘤雖多無用然則吾善用多矣大
集經云如是諸見不妨諸佛法界及大涅槃
依之修行皆得解脫此通方之大解也哉

壬未

中

大宋高僧傳卷第十五

執五

唐京兆聖壽寺慧靈傳七

唐吳郡破山寺常達傳八

唐越州開元寺丹甫傳九

唐吳郡嘉禾靈光寺法相傳十

唐天台山國清寺文舉傳十一

唐會稽開元寺允文傳十二

唐京兆西明寺慧則傳十三 元表

梁吳郡破山興福寺彥儒傳十四 壽開黎

後唐天台山福田寺從禮傳十五

後唐杭州真身寶塔寺景霄傳十六

後唐東京相國寺貞安傳十七

漢錢塘千佛寺希覺傳十八

周東京相國寺澄楚傳十九

唐朔方龍興寺辯才傳

唐京師章信寺道澄傳二

唐鍾陵龍興寺清徹傳三

唐撫州景雲寺上恒傳四

唐錢塘永福寺慧琳傳五

唐江州興果寺神慶傳六

大宋高僧傳卷第十六

執六

左街天壽寺通慧大師陽紫 賛寧

左街相國寺譜經論大德陽紫 智輪

同奉

勑撰

明律篇第四之三

正傳十九人
附見二人

唐朝方龍興寺辯才傳一
唐鍾陵龍興寺清徹傳二
唐撫州景雲寺上恒傳三
唐錢塘永福寺慧琳傳五
唐江州興果寺神慶傳六

釋辯才姓李氏襄陽人也母氏妊之倏惡孽
血冥然一食虛淡終夜及其誕彌異香盈室
宗黨怪焉七歲依峴山寂禪師出家厥長者
明記每受經法必以等身爲限字不重問義